

SAMOA

**TULAFONO FAAFOE O FAASALALAUGA
(TULAGA FAATAATITIA MA FAIGA FAAVAE,
FAAVASEGAINA MA TUUTUUGA O LAISENE) 2019**

Faatulagaina o Aiaiga

**VAEGA 1
FAATOMUAGA**

1. Igoa puupuu ma le amataga
2. Faamatalaina o uiga o upu

**VAEGA 2
TULAGA FAATAATITIA
MA FAIGA FAAVAE**

3. Tulaga faataatitia ma faiga faavae

**VAEGA 3
LAISENE O TAGATA
TAITOATASI MA VASEGA
O LAISENE**

4. Laisene o tagata taitoatasi ma vasega o laisene

**VAEGA 4
TUUTUUGA O LAISENE**

5. Tuutuuga o laisene o tagata taitoatasi
6. Tuutuuga o laisene aloaia

E TUSA AI ma le fuaiupu 7(1)(o) o le Tulafono o Faasalalauga 2010 (“o le Tulafono”), **UA FAIA** e le Pule Faatonu o Tulafono Faafae nei:

FAIA i lenei aso^{10th}..... o *Seitema*..... 2019.



.....
(Lefaoalii Unutoa Auelua- Fonoti)

PULE FAATONU

TULAFONO FAAFOE

**VAEGA 1
FAATOMUAGA**

1. Igoa puupuu ma le amataga - E mafai ona taua nei Tulafono Faafoe o Tulafono Faafoe o Faasalalauga (Tulaga Faataatitia ma Faiga Faavae, Faavasegaina ma Tuutuuga o Laisene) 2019, ma e amata faamamaluina i le aso e sainia ai e le Pule Faatonu.

2. Faamatalaina o uiga o upu - I totonu o nei Tulafono Faafoe, ae vagana ai ua manaomia e le mataupu se isi uiga e ese ai:

“laisene o faasalalauga faapisinisi i televise” o lona uiga o se laisene lea o lo o tuuina atu ai auaunaga tau faasalalauga i le televise mo tupe mamā faasili ma faiga e saoloto ai ona faasalalau;

“laisene o faasalalauga i televise i le atunuu” o lona uiga o se laisene lea o lo o tuuina atu ai auaunaga tau faasalalauga i le televise e lē mo tupe mamā faasili ma e saoloto ona faasalalauina;

“laisene o faasalalauga faapisinisi i leitio” o lona uiga o se laisene o lo o tuuina atu ai auaunaga tau faasalalauga i leitio ma e faia i se faiga mo tupe mamā faasili;

“laisene o faasalalauga i leitio a le atunuu” o lona uiga o se laisene o lo o tuuina atu ai auaunaga tau faasalalauga i leitio e lē maua ai ni tupe mamā faasili;

“laisene o auunaga e tuufaatasia ai faailoilo faaeletoroni i se alaleo faasalalau” o lona uiga o se laisene e mafai ai ona tuuina atu o lea ituaiga auunaga tau faasalalauga i le televise e maua ai tupe mamā faasili ma saoloto ona faasalalauina;

“laisene o faasalalauga i televise e totogi faasaofaga” o lona uiga o se laisene o lo o tuuina atu ai o auunaga tau faasalalauga i televise mo tupe mamā faasili ma saoloto ona faasalalauina.

VAEGA 2

TULAGA FAATAATITIA MA FAIGA FAAVAE

3. Tulaga faataatitia ma faiga faavae-(1) E ao i se kamupani ua laiseneina i lalo o le fuaiupu 22 o le Tulafono ona tausisia:

(a) tulaga faataatitia ma manaoga tau faiga faavae e faasino i taimi o faasalalauga ma mea o aofia ai e lomina faasalalau e le Pule Faatonu; ma

(b) faiga faavae tau faasalalauga ua faamaonia e le Minisita e tusa ai ma le fuaiupu 29 o le Tulafono.

(2) E ao i se kamupani ua laiseneina i lalo o le fuaiupu 22 ona faatino o laasaga uma talafeagai e faavaeina ai ma amanaia o:

(a) tulaga faataatitia mo le atunuu i le fuafuaina o mea o aofia ai i meafaitino o le a ia faasalalauina;

(b) taimi e fai ai faasalalauga; ma

(c) mafaufauga o tagata faalogologo e mafai ona faamoemoe latou te faafofoga i ai po o le silasila i ai i mea e faasalalauina i ia taimi.

VAEGA 3

LAISENE O TAGATA TAITOATASI MA VASEGA O LAISENE

4. Laisene o tagata taitoatasi ma vasega o laisene-(1) E tusa ai ma le fuaiupu 24 o le Tulafono, o auunaga nei e manaomia ai se laisene o tagata taitoatasi:

(a) laisene o faasalalauga faapisinisi i televise;

- (b) laisene o faasalalauga i televise e totonu faasaofaga;
 - (c) laisene o faasalalauga faapisinisi i leitio; ma
 - (d) laisene o auunaga e tuufaatasia ai faailoilo faaeletoni i se alaleo faasalalau.
- (2) O auunaga nei ua faavasegaina i lalo o vasega o laisene:
- (a) laisene o faasalalauga i televise a le atunuu; ma
 - (b) laisene o faasalalauga i leitio a le atunuu.

VAEGA 4 TUUTUUGA O LAISENE

5. Tuutuuga o laisene o tagata taitoatasi - E tatau ona agavaa se kamupani ua laiseneina i lalo o le fuaiupu 22 o le Tulafono e:

- (a) tuuina atu auunaga tau faasalalauga i tagata lautele mo tau tuusao pe lei foi; ma
- (b) umia po o le faagaioia o se nofoaga tau faasalalauga o faaogā e tuuina atu ai auunaga tau faasalalauga mo na o le faamoemoe o le faaoina atu o polokalame tau faasalalauga, faatonutonu mea o aofia ai ma faailoilo i le isi kamupani ua laiseneina.

6. Tuutuuga o laisene aloaia - E ao i se kamupani ua laiseneina i lalo o le fuaiupu 22 o le Tulafono ona:

- (a) usitaia tulafono a Samoa, e aofia ai ma e aunoa ma ni tapulaa, tulafono faafoe, tulafono faatonutonu, poloaiga ma tulafono laiti o aga masani ua faia e tusa ai ma tulafono a Samoa;
- (b) totonu totonu o laisene ua tatau ona totonu pe afai ua logoina e le Pule Faatonu; ma
- (c) ia usitaia so o se faatonuga faaletulafono a le Pule Faatonu e tusa ai ma le faagaioiga o auunaga tau faasalalauga e pei ona faatagaina i le laisene.